

U skladu sa članom 24. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13 - ispravka, 11/18 i 1/20), Općinsko vijeće Hadžići na 18. sjednici održanoj dana 18.08.2022. godine d o n o s i

**ODLUKU**  
**o izmjenama i dopunama Odluke o stipendiranju učenika i studenata**

Član 1.

U člana 1. stav 2. Odluke o stipendiranju učenika i studenata broj: 01-01-2-9576/2013 od 21.11.2013. godine riječi „Do konačnog zakonskog definisanja studija po Bolonjskom procesu Općina će stipendirati studente dodiplomskog i postdiplomskog, odnosno bakalaureat i masters studija (3+2 i 4+1)“ se brišu.

Član 2.

U članu 7. stav 1. riječi „Visina mjesečne stipendije utvrđuje se u iznosu od 100,00 KM za studente i 50,00 KM za srednjoškolce. Svake godine stipendirat će se 40 srednjoškolaca i to za svaki razred po deset učenika i 45 studenata, i to: I-II-III god. po deset stipendija; IV-sedam, V-pet i VI-tri stipendije“ se zamjenjuju riječima:

„Visina mjesečne stipendije utvrđuje se u iznosu od 70,00 KM za srednjoškolce i 150,00 KM za studente. Svake godine stipendirat će se 60 srednjoškolaca (svaki razred po petnaest stipendista) i 70 studenata (za prvu, drugu i treću godinu studija po petnaest stipendista, za četvrtu godinu studija dvanaest stipendista, za petu godinu studija deset stipendista i za šestu godinu studija troje stipendista) u skladu sa kriterijima koji se odnose na dodjelu stipendija.“

Član 3.

U članu 8. stav 1. iza riječi „studenti“ stavlja se zarez i dodaju riječi „izuzev studenata sa procentom invalidnosti preko 50%.“

Član 4.

Iza člana 9. dodaje se član 9.a) koji glasi: „Redovni i vanredni studenti sa procentom invalidnosti preko 50% koji ne obnavljaju godinu ostvaruju pravo na stipendiju bez primjene odredbi koje se odnose na kriterije za dodjelu stipendija.“

Član 5.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“, a primjenjivat će se u postupku dodjele stipendija za školsku/akademsku 2022/2023. godinu i dalje.

Broj: 01-02-7526/2022  
Hadžići, 18.08.2022. godine

Predsjedavajući  
Općinskog vijeća Hadžići

Almin Bašić

